

R. 3. 175 ll.





Novis Magisterij honoribus

*Reverendi, pietate, virtute, doctrinâ, mo-  
ribusq; omnibus bonis probatissimi*

*Viri,*

**Dn. IOACHIMI DAMME,**  
Diaconi novæ Civitatis Brandebur-  
gensium meritissimi,

Qui

*Ex consensu Amplissimi Collegij Philosophici, in  
Electoralis Uvitebergensium Academia*

RECTORE

*Magnifico & Clarissimo viro*

**Dn. M. FRIDERICO TAUBMANO**  
Bonarum litterarum Profes. Publ.

DECANO

*Spectatissimo & Prestantissimo*

**Dn. M. AMBROSIO RHODIO**  
Profes. Matheleos extraordinario,

*Ipsi solemniter decernebantur,*


Gratulantur Amici moris & amoris ergò.

UVITEBERGÆ

Typis Gronianis, per Iohan. Gorman. Anno 1608.









Σ Υ Γ Χ Α Ρ Μ Α

Novis honoribus Philosophicis

*Reverendi & Doctissimi Viri*

**Dn. IOACHIMI DAMMENII,**

Ecclesiastæ Brandenburgici in

nova urbe,

*Profectum ex animo sincero*

à

**TOBIA JERASIO Cros: Silesio Ecclesiastæ**

Brandenburgico in vetere urbe.

**P R O B L E M A.**

An Concionatori in officio jam constituto mundanos-Philosophicos assumere titulos sit integrum.



*Gratuler, an sileam? partes ita volvor in omnes*

*Ambiguus, quando meritos assumis honores,*

*Sat coram mundo speciosos, laudeq; plenos,*

*Sed quos affectant, avidè & venantur in orbe*

*Illi, qui tollunt animos, quibus ilia tendit*

*Spiritus, & volupe est heic amplo in honore vigere*

*Illustres. Pueris, & turba simplice gaudet*

**CHRISTVS.** Et obscurus vixit quoq; nonnihil ipse,

*Donec in officio signis, donisq; docendi*

*Clarere inciperet. Non expectavit honores*

*Pontificum; nec eos voluit. Sic præco IOANNES*

*Noluit oblatos CHRISTI, magnosq; Propheta*

*Noluit. Addatur: Rabbi nolite vocari,*

*Clarè Christus ait: Qui gratuler ergo, quod esse*

A 2

Cum



Cum mundo malis clarus, quàm vivere spretus  
Cum Christo? UOS NON SIC, semper perfonet aures.  
Et quanquam titulos, mundi & concessero honores,  
Indulgere tamen vellem his, qui paupere tecto  
Nondum-promoti vivunt, quò calcar haberent,  
Et specimen quoddam profectus publicum haberent,  
Atque emergendi sic ansam quampiam haberent;  
At tu donatus rude: Tu specimenq; dedisti  
Egregij ingenij (satis ante: & vivis honesto  
Officio ornatus (cui vis, & Spiritus idem est)  
Promotusq; doces cum fruge? Quid ergo Magistri  
Mundano titulo quares? accedere forsàn  
Pesse Ministerio dicas lucemq; favoremq;  
Hoc quid at est aliud, quàm verbo affingere Christi  
Fucum, & contemptum? quasi non illustre sit ipsum,  
Ante factus? Certè lux est, est viva lucerna,  
Luciferiq; jubar, Sote est, urbs edita monte,  
Hoc ceriè tychnos splendenti est addere Soli.  
Contemptum dixi: quasi nostrà splendeat illud  
Luce? sic & sine qua multò contemptius? anne  
Lucet luce sua, quam Sol communicat illi  
Iustitia Sol ille DEI? IOACHIME, quid hic me  
Non habere vides? satius foret ergò silere,  
Sicq; novos tacitè titulos sepelire dolenti  
Pectore, ceu naevos infirmi, nos quibus omnes  
Subiecti variè sumus, hoc dum degitur ævi?  
Ab quantum! ab quoties unâ mens errat in hora!  
Quis numerum assequitur quoties delinquat? in imis  
Semina sunt fibræ abscondita! Proxima virtus  
Sæpius est vitio, pro consuetudine vulgi.  
Hic certè obtento ceu velo condere fas est  
Plurima. Quò titulos referendos censeo mundi.

Gratulor





Gratulor haud sileam. Nec enim ficulna morantur  
 Ista animum, positus manifesto in lumine rebus.  
 Certè non desunt, qui Rhinocerotus habentes  
 Nasum, suggillant vel quævis optima magno  
 Facta supercilio; Sed falso nomine vendunt,  
 Confundunt. Rerum saltem fastigia tangam,  
 Et luci exponam, dextras & cætera victa  
 Sponte dabunt. Aliud nimirum est velle suopte,  
 Et sibi honore frui, sibi vivere clarus, & illud  
 Omnia ferre, DEO spreto, mundoq; placere.  
 Quo pueri certè, quo simplex nomine simus,  
 Turbula, magnificos, quos defert mundus, honores,  
 Et titulos fugiens. Quo Regis CHRISTVS honores  
 Fugit. Quo tantos renuit Baptista, nihilq;  
 Quod mundo placuit, summè invitatus, honoris  
 Expetit; Est aliud verò sic propter & hostes,  
 Externos vitæ testes, & lucis habere,  
 Doctrinam & puram, doctrina & munia pura  
 Exornare, alijs coram. Quis scommata Mundi,  
 Quis nescit Satanaeq; dolos? illudere Christo,  
 Deridere, rudes, & proclamare Ministros  
 Mundus amat, se commendans: involvere Christum,  
 Contempto cineri, fallaces fingere technas  
 Est Satana studium, quò nocte, dieq; laborat,  
 Prætextu veri. Quis non hic obvius iret?  
 Quis non hic proprio, si novit, gaudeat ense  
 Hoc jugulare hostes? quis non his eruat umbris  
 Contemptum Christum? ut, quantò magis ille labores  
 Temnere, & obscurare, magis contrarius iret  
 Hic pius, & sese, verbum, munusq; docendi  
 Affereret sanum, luciq; ostenderet ipsi  
 Scommata ficta, animo ledendi cuncta profecta,



Tartareis infecta odijs. Qua cetera restant,  
 Momenti certè sunt nullius, haud eget ista,  
 Solvens helleboro. Testaris, vel rude quondam,  
 Donatus, quod non sis factus segnior, inde  
 Nec fractus studijs, nec cures aspera Mundi  
 Tela, & contemptum; sed nunc ardentius ire  
 Et Mundo opponi cupias te fortius. Imò  
 Percipis hinc studij fructus, rude dignus, & ipsa  
 Publica præbentur tibi nunc insignia, multò  
 Antè-rudis-merita. Pudeat qui gaudet & umbris,  
 Et non vult umbris emergere, dum licet, & res  
 Ipsa jubet, Christum jactare, ostendere Christum  
 Esse sibi cura, propter quem militet armis  
 Ex Pharijs spolijs, vim contra mundi inimicam,  
 Vim contra, Stygiaeque strophas, quibus improba lerna  
 Prospectum eripiunt animis, glomerantque subinde  
 Cimmeriam noctem. Quis non hic optet, ut ingens  
 Omnibus ille dolus deprensus luce pateat?  
 Cur ergò dubitem gratari? letor honoris  
 Masse tui (non in video, quin addere calcar  
 Est animus potius, quod præsens carmine testor,  
 Gestiremq; sequi, modò justis apta sequendi  
 Offerret sese medijs occasio tandem.)  
 Sed non ut tuus est. Nec sit tuus ille; Sed omnis  
 Est Christi, sit Christi, alios nescimus honores.  
 Exit ut omnis ab hoc; & ad hunc laus transeat omnis.  
 Nec frustra certè: Nam Qui Christum piè honorat,  
 Christus honorabit, (crepat ilia lividus) illum.  
 Gratuler, haud sileo dum Christus honore triumphat.

Anno: Et ne nos InDVcas In tentationeM.

IOACHIMMUS TAMMEUS.

αἰαχαμπαλοπὸς

MUSA MIHI COMAM VESTI.

Ardua



**A**Rdua Phocææ qui servas culmina rupis,  
 Phæbe, evirescentem perpetuantis humum,  
 Phæbe, triumphali lauro redimite capillos,  
 Musarum ducit quo duce turba chorum.  
 Phæbe novemque Deæ nulli non fertis honores  
 Emerito, vobis nullus inanis abit.  
 Haud studium vos jure meum, meus haud labor ingens,  
 Haud mea membra nimis debilitata latent.  
 Dumosis quadrupes montis radicibus hæsi,  
 Et meæ scandentis sentibus icæta cutis.  
 Donec ad extremum fermè progressus acumen  
**CHRISTI** præberem pascua vera gregi.  
 Sisto gradum, præceps casum fortuna minatur,  
 Suspensoque mihi mens erat ire retrò.  
 Ast inopem juvère manus hominumque Deumque,  
 Nec mihi non Musæ vi superatur apex.  
 Ergo tot tantisque laboribus exantlatis  
**VESTI** promta **MIHI MUSA** favore **COMAM**.  
**VESTI MUSA COMAM**, licet invidet osor honorum,  
 Obtinet antiquum Zoilus iste procax.  
 Et meritò mitra **VESTIRI**, Dammeæ, poscis  
 Purpurea, digitis atque brabeja dari.  
 Et meritò dabit illa tibi, nomenque Magistri,  
 Abdita quem docuit, **RHODIUS**, astra Tycho.  
 Sis Ihovæ gratus, socijs decus, atque juvenæ  
 Immensum calcar, calcar & ipse tibi.

*M. Jacobi Dannenbergij. Br.*

**E**T virtus & honor pede te comitantur eodem,  
 Mysta sacer Dammi cultor & Aonidum.  
 Gnaviter à teneris tibi famam extendere factis  
 Cura fuit, Clarj montis adire jugum.

*Namq.*





Namq; rat us celebris quem gloria summa moveret  
 Nominis & culta quæreret arte decus.  
 Ocia tractaret non segnia deside dextra,  
 Indulgens genio mollia quaq; suo:  
 Sæpè sed ingenua caput excoluisset in arte,  
 Atque Medusea labra rigasset aqua.  
 Nocturnâ versare manu, versare diurnâ  
 Doctorum factus ingenijq; virum.  
 Haud etenim tennes unquam dilapsa per auras  
 Gloria, sed summo summa labore venit.  
 Sic plures labor evexit, sic tollit ad astra,  
 Virtus hinc famam posteritatis habent.  
 Sic quoq; jam reverende pijs operate Camanis  
 Digna tuo grandi dona labore capis.  
 Dona capis, precium superant qua divitis auri:  
 Cum te Musarum munera grata manent.  
 Ordopus Procerum te jussit adire Pelargum,  
 Cui pia Marchiaca cura salutis erit.  
 Hic alacer Fidei custos, quia jura Tonantis  
 Calleres, populum Sacra docere facit.  
 Quin Sophia studij gestas insignia Laurum;  
 Quæ bene sacratum cingit amica caput.  
 Rhodius hanc tribuit nitidis, qui clarus ab astris;  
 Leucoris in gremio, quem fovet alma suo.  
 Ergo tibi Laurum grator: sua commoda sentit  
 Urbs, quæ Marchiacos nomine donat agros.  
 Te duce Pierios poterit conscendere colles,  
 Te duce siderias & superare domos.  
 Et Pietatis opus quod sera ætate parentem  
 Nunc gaudere novo gnatus honore facis.  
 Vive diu vivasq; DEO, tua florida Laurus  
 Crescat & in patulas surgat opaca comas.

Jacobus Clivius Stendaliensis, Scholæ  
 Brandenb. in nova arce Collega.





**A**ntiquo varij scatens  
 Confertim lapidis pulvere regia,  
 Calcata omnigenum pede,  
 Trituras sentit, sentit & orbitas;  
 Vallata amnicolæ latus  
 Aut muro salicis, frondève palmulæ,  
 Denfos Icareis ea  
 Insultus scopulis furdior excipit,  
 Dentaro placidâ rotæ  
 Eluso requie præpetis arjete:  
 En Agger novus hic, nigrâ  
 Crinem congerie pulveris obstitus,  
 Præcox quam tulerat levis  
 Pileto Veneris veſta Puertia;  
 Maturûſve ſenex fide,  
 Vexillo Satanae deditus, oblitâ!  
 Crevit pulvereus ſupra  
 Actus caſariem turbo, gravamine  
 Ægras occiduis minas  
 Præſagans ( pudor heu!) aggeris angulis!  
 At (mirum) athereus, ſua  
 Cui non cura viae deſit, Epifcopus,  
 Hanc lectæ mihi ſemitam  
 Turbæ, inquit, reprobûm verbere dirui?  
 Abſit! Chalcidicâ probè  
 Frondis perpetua Daphnide conferam,  
 Quam vis nulla Noti loco,  
 Neptunive furor diſcutiet ſuo.  
 Gaude *DAMME* tuo, favor  
 Cujus te incolumem reddit, Epifcopo.  
 Gaude *DAMME* tuo, viror  
 Cujus te celebrem reddet, Apolline.

Felices





Felices, quibus hac licet  
    Ædeis ad superas advehier viâ,  
Agger quam novus hic sacra  
    Florens cæsariem Daphnide prodidit  
Dudum, vita que carcere  
    Dum clausa ambiguo, prodet amabilem!  
Salve Laure tuo virens  
    Gestore, atque tuâ bajule laureâ;  
Firma laure novum novis,  
    Fixis radicibus, fructibus aggerem,  
Felix ut detur advenis  
    Quæsitæ ad sedis culmina transitus.  
Sic Mundi tibi semita  
    Servanda in medio quæ modò turbine;  
Tecum Siderei incola  
    Mundi facta DEO psallet Episcopo.

*Φιλίας χάριν faciebat Sigismundus  
Evenius Navena-Marchicus.*

*Ἀναγκαμμαλιόπος.*

IOACHIMUS DAMMEUS

MUSA MIHI DECUS AMO.

Ipse loquitur.

**S**ic sanè res est, secùs haut, Studiosa Iuventus;  
    Præmia donantur post pia vota pijs.  
Sic sanè res est, secùs haut, Studiosa Iuventus;  
    Post operam cui vis præmia MUSA dabit.  
Omnibus omninò siquidem bona splendida vendit  
    Non auro, voto sed studioq̃, DEVS.  
Nec divum studij fructum nanciscitur iste,  
    Qui vacuat crebrò Pocula plena mero.  
Quiq̃ capit legnem noctesq̃ diesq̃ Soporem,  
    Non somnolentis assa columba venit.

*Quin-*





*Quinetiam Veneris qui flammam haurit iniqua  
Sapius, infelix artibus ipse vacat.  
Hæc tria sunt certò Studioso pessima pestis:  
Pocula plena, Sopor legnis, iniqua Venus.  
Quod triplex vicium (livorem negligere) pejus  
Angue evitavi viribus usque meis.  
A primis annis toleravi mille labores,  
In studijsq; MIHI maxima cura fuit.  
Hinc MIHI legitime nunc dentur jura Magistri,  
Hinc DECUSq; surgit, gloria justa, MIHI.  
Sic compensatur Studiosus laude celebri,  
Qui totâ doctam Pallada mente colit.  
Sicq; ferunt Charites U Vitebergæ Laurea digna  
Iam MIHI, qui Musas pectore semper AMO.*

Laurentius Karge, Brandeburgensis F.

**E**S CHRISTI Oeconomus, sacra ut mysteria in æde  
Dispenses sacrâ: biblia sacra jubent.  
Ardua profectò res & divina vocanda  
Umbras ceu reliquas cum volitare vides,  
Sermonem verum rectè didicisse secare,  
Scilicet est ad eam, regia, crede, via.  
Ast sine vestibulo veluti non janua aditur:  
Artes sic linguas poscit id omne bonas.  
His in liquisti nil intactum IOACHIME  
Insudans patriæ sedulitate scholæ.  
Alibi felici quin & profectus Athenas  
ucoreas, posses visere Theologos.  
Quæ aderat messis tibi cuncti dogmatis ampla  
Inelligio fudit dogmata pura sinu.  
Demetere hanc opidas segetem noctesque diesque,  
Te labor haud quicquam terruit Hercules.

De sacris






De sacris sacram posuisti hinc atque profanis  
Metam: quam propter pramia clara manent.  
Eccet tibi accurrit sacra SUADA & tempora seruo  
Cingit, dicaris Pastor Ovilis amans.  
Nec latis, accedit Pater Entheus atque coronat  
Te viridi lauri fronde Magister eas,  
Sitt tibi sitque tuis magnum hoc Christi que popello,  
Ac ad opus majus sit Gradus hiece precor.


*Christianus Andrea Brand. March.*

**A**Spera quam saxis, & sentibus horrida multis  
Est via Parnassi! solisque sub omnibus herent  
Turpia monstra, carvum montem cupientibus obstant  
Ascensu superare: Fames hic, turpis Egestas,  
Hic habitant Morbi duri tristisque Senectus,  
Hic Dolor, hicque Metus, Labor hic eructat arenam.  
Quare jure petis superato culmine Pindi  
DAMME, decus, famam, nomen, titulumque Magistri;  
Iure (inquam) poscis cathedra jam fulcra locari:  
Iure tegi mitra quasi lauro, tempora dicis:  
Iure micant auro digiti gemmisque coruscis.  
Hac monumenta tue doctrina, hac symbola morum.  
Signa hec virtutum, sunt premia digna laborum.  
Sint tibi fausta precor: rutilent tua mitra subinde:  
Gemma coruscet, honos maneat, titulusque Magistri  
Commoda multa tibi referat, Patriaque tuisque,  
Munificoque Deo laudi decorique valeque.

*Martinus Fabricius Brandeburg.*













23 ~~22~~

Novis Magisterij honoribus  
*Reverendi, pietate, virtute, doctrinâ, mo-*  
*ribusq; omnibus bonis probatissimi*  
*Viri,*  
**DN. IOACHIMI DAMME,**  
 Diaconi novæ Civitatis Brandebur-  
 gensium meritissimi,  
 Qui  
*Ex consensu Amplissimi Collegij Philosophici, in*  
*Electoralis Uvitebergensium Academiâ*

